

M141: Mariensequenz aus St. Lambrecht (Seckau)

- 0,1 sequentia ave dû vile schoeniu maris stella .
0,2 ze sælden aller diet exorta .
0,3 gotes muoter Maria .
0,4 vröuwe dich gotes porta .
0,5 diu verslôzen gebære
0,6 die sunne . der wârheit .
0,7 mit meidelîcher reinicheit .
0,8 mit mennischlicher natûre
0,9 got ze dirre werlte bræhte .
0,10 maget aller megede .
0,11 schoene . als diu sunne .
0,12 himelischiu küniginne .
0,13 dirre werlte gimme
0,14 erkenne alle die dich minnent .
0,15 unde mit rehten gelouben ze dînen genâden dingent .
0,16 dich bezeichnenet diu Aarones gerte .
0,17 diu in dem dinchûse alle verte
0,18 brâhte bluode . unde wuocher
0,19 als wunderlîchen wûrte dû muoter .
0,20 die alten vater dîn êr
0,21 wunschten . unde die wîssagen .
0,22 dû bist eine [ein] stamme
0,23 des lebenes . daz Eva
0,24 in dem paradîse verlôs .
0,25 dô sie den tôt . erkôs
0,26 gotes gebot sie übergie .
0,27 von danne ire afterkumfte michel sêre lie .
0,28 dô den schepfære . sîn genâde ermanete .
0,29 daz er die mennischlîche broede erkante .
0,30 den engel Gabriel mit niuwer boteschefte zuo dir sante .
0,31 er sprach . “ave Maria .
0,32 dû bist genâden plena .
0,33 meit dû swanger wirst .
0,34 iz ist got selbe den dû gebirest .”
0,35 bî disem worte
0,36 himelischiu porta .
0,37 entvienge in dînem reinen lîbe
0,38 daz dû doch niht wûrde ze wîbe